


# Oz e igl Gi da la scartira da Braille



**SCHANER**

# Igl Gi da la scartira da Braille

Cura e igl tieus natalezi? Sas tei schon liger la data digl tieus natalezi? Igl natalezi impurtànt par fetg blears carstgàns ca san betga liger cugls îls e igl natalezi digl Louis Braille. El e naschieu igls 4 da schaner 1809. Parve dad el e quegl igl Gi da la scartira da Braille, la scartira par parsûnas orvas. Igl Louis Braille veva me quater ons, cur c'el e sez vagnieu orv. Cun far tarmagls near zambargear cun egn guafen an la sealareia da sieus bab e el sglischieu or ad â safuro an egn îl. Que îl e vagnieu inflamo, poc ple tard ear tschel, ad el e vagnieu orv. Cur c'igl Louis Braille â savieu ir an la scola par parsûnas orvas a Paris, e el betga sto cuntaint cun la scartira c'el veva

d'amprender. Parquegl â el invanto sez egn scartira. El â sviluppo anavànt egn scartira cun dudesch puncts c'ign duvrava an l'armada franzosa. Durànt las vacànzas da stad, agl luvraduir da sieus bab, â el cato or egn scartira cun sis puncts par palpar. Tut tanor co igls puncts en urdanos signifitgeschan els diferaints bustabs near dife-raintas zefras. Cun me 15 ons â igl Louis Braille invanto quella scartira ca vean duvrada oz d'unfànts a carschieus orvs segl antier mund. Graztga ad el san ear els liger – cun la deta anstagl cugls îls.


Ancanuschas tei anzatgi  
c'e orv?

Co sa egn parsûna orva ir  
a pe sainza cupitgear?

Co sa egn parsûna orva  
s'orientar?

Co san parsûnas orvas  
liger?

Noua âs tei schon vieu la scartira  
da Braille?



# Tge bustab e'gl?

Gioi par antschever

Tut igls unfànts sean an egn rudi a searan igls îls. Egn unfànt survean egn tgossa da palpar ca satgata an egn satget da tela. El palpescha la tgossa sainza comentari a dat anavànt igl satget agl proxim unfànt. Suainter mintga runda ston igls unfànts angiavinar tge tgossa c'els ân palpo. Par exaimpel: soca, crap, gartirola, dat, bura da tenis, squetra, cudesch, etui, aaa.



Mintg'unfànt survean egn stgatlà d'ovs, sis buras da pingpong ad egn figl cugl alfabet da Braille.


- 1 Mintg'unfànt furma egn'ea cun las buras igl bustab A.
- 2 Ussa furma mintg'unfànt cun las buras igl ampren bustab digl sieus num.

Ad ussa an dus:


- 1 Egn unfànt va davent, l'oter unfànt furma egn bustab a curvearta el cun egn curveia near egn zuela.
- 2 Igl savund unfànt palpescha – sainza vurdar – las buras. El dastga vurdar segl figl cugl alfabet da Braille a gir da tge bustab c'igl satracta. E'gl igl dretg?
- 3 Lura san igls unfànts midar las rolas.




# Igl alfabet da Braille



A B C D E F G H I J




K L M N O P Q R S T




U V W X Y Z


# Las zefras da Braille




1




2




3




4




5




6




7



8



9



0